

華東卷

【上編】



地

方

志

人

物

傳

記

國家圖書館編

資料叢刊

北京圖書館出版社

【華東卷】

上編

第五一冊

地方志人物傳記資料叢刊

國

家

圖

書

館

編



北京圖書館出版社

第五十一冊目錄

(同治)建昌縣志

人物志	一
名臣	二一
宦業	三七
理學	四五
儒林	六一
文苑	七一
忠義	八一
孝友	九九
善士	一〇九
隱逸	一一五
方技	一一九
寓賢	

(同治)上饒縣志

人物志	一二九
理學	一三五
鄉賢	一三五
名臣	一七五
宦業	一八一
儒林	二一七
文苑	二七九
忠義	三九七
處士	四一三
孝友	五二一
義行	六八三
寓賢	六九五
方技	七〇六
仙釋	

建昌縣志卷之八

人物志

名臣 孝友

官業 善士

理學 隱逸

儒林 方技

文苑 列女

忠義 節義

菰蘆之濱蚌珠鮫織閭陵之阜竹箭南金況乃歐岳降
神修浦毓秀地靈人傑何處非材以理學之所浸淹正
氣之所旁魄方且充夫門閭鍾於孺慕溢於閭閻而干
城之選不以家爲者何可更僕數矣以予考覽記載多
有舊志所脫落者況考覽不及與遺於紀載者耶敢不
搜而輯之俾有聞焉

李志

名臣

登高而呼眾山皆響扶搖而上九霄可通土也得位乘
時附驥尾而名益顯蓋名位相須榮顯之餘聲施自遠

其勢然也顧何以析爵擔圭侈鐘鼎之奉者踵相接紆
青拖紫誇組綬之榮者指不勝屈而名垂不朽者卒寥
寥無幾其湮沒不彰者乃在在有之豈非名者實之符
其實未加於上下而欲名著於古今不可得耶夫惟一
時共欽其聞望百世想望其丰采所求乎臣以事君其
庶乎志名臣

漢

劉陵字孟高豫章艾人爲長沙安成長縣多虎爲百姓害
陵到官逾月虎悉出境流備皆還後拜侍中車駕出祀
南郊陵參乘上升輦欲假寐陵蹠曰陛下萬乘主升車
宜正立卽蚤嚴欲寢不當上爲天地靈祇下爲萬物觀

覩耶上媿謝曰敬受侍中之言

唐

郭元靖字長甯晉郭洪之後洪自太原隨晉南遷家建昌
元靖才兼文武隋末聚兵保衛鄉里後歸唐立功累官
虔撫吉三州司馬衡州刺史以廉謹稱所在皆有政績

宋

李常字公擇少讀書廬山白石僧舍既擢第畱所抄書九
千卷名舍曰李氏山房調江州判官宣州觀察推官發
運使楊佐將薦改秩常推其友劉琦佐曰世無此風久
矣并薦之熙甯初爲秘閣校理改右正言知諫院王安
石初與常善及立新法常疏言均輸青苗傳會經義何

異王莽猥析周官流毒天下安石遣所親密諭意常不爲止知鄂州徙湖齊二州齊多盜常得黠盜刺爲兵使在麾下盡知囊括處發屋破柱拔其根株半歲間誅七百人姦無所匿元豐六年召爲太常少卿遷禮部侍郎哲宗立改吏部戶部尙書或疑其少幹局慮不勝任司馬光曰用常主邦計則人知朝廷不急於征利聚斂少息矣常轉對上七事曰崇廉恥存鄉舉別守宰廢貪職審疑獄擇儒師修役法時役法差免二科未定常謂法無新陳便民者良論無彼已可久者確今使民俱出貲則貧者難辦俱出力則富者難堪各從其願則可久爾乃折衷條上之拜御史中丞兼侍讀加龍圖閣直學士

論取士請分詩賦經義爲兩科以盡所長初河決小吳
議者欲導還故處常言京東河北饑困不宜導河詔罷
之徙兵部尙書辭不拜出知鄧州徙成都行次陝暴卒
年六十四常長孫覺一歲始與覺齊名俱受知於呂公
著其論議趣舍大畧多同所終官職又同其死先後一
夕云宋史論曰孫覺李常力諍新法甯失故人之意毅
然去之而無悔賢哉又呂原明家傳言原明與明道橫
渠孫覺李常遊由是知見日益廣大蓋敘其得師友之
助也可見公擇是時鼎立於諸大儒間爲友道之所嚴
重如此

王明清揮塵錄秦少遊作李公擇行狀云遺祖

清五代時號南名臣仕皇朝爲兵部尙書封晉

國公莒公少時仕湖南有一子禹江南公其裔孫也今

爲南康建昌人世號李氏山房

蘇東坡跋李公擇書

名臣

公擇先生疏通達大君子也往歲某嘗從學數年雖以
甥舅禮意見畜出入閨闈無間然自有物外相知之鑒
細觀其內行冰清玉潔視金珠如糞土未始凝滯於一
物詩云豈弟君子胡不萬年惜乎宰木拱矣觀此遺墨
爲之賞涕建中靖國元年八月乙卯某題 代公擇遺
表二首依日月之末光未彈報國竭桑榆之晚景忽慟
窮塗輒輸將死之言儼動蓋高之聽中謝伏念臣生長
孤外遇逢聖明學淺而智卑才拙而用少先皇帝擢收
流落前旆塵泥擢登清禁之班許以經遠之器二聖臨
御回門穆清無補涓埃薦蒙鑒策長地官衙不足富
國丞御史忠不足以回天少寬素食之憂得備維藩之
寄重分虎節出拊刀州雖受命卽行驅馳夙駕而短生
無祿隕越路隅猶結戀於清時敢獻忠於未顯伏願皇
帝陛下尊事耆老延登俊良緝熙六藝之光明靈承
廟之謨烈盡子道以法舜之孝師天常以體堯之文國
家膺無疆之休徵臣釋沒齒之憾又仕而暇休雖效
瓶之智沒而獻直猶希結草之忠未沐須臾之期少陳
迫切之願中謝伏念臣學則無友於國仕則無闕於朝
智常病於遠謀器適宜於近用過蒙先帝擢真周行登
備諫工言不足以成務出將使指事不足以分憂天秋
六官妙選羣吏收臣江湖之外進列文昌之班迄終元
豐之年久司宗伯之典天地立極日月並明不能退藏

復叨任使髮白于民部曾莫裕于邦財心盡于中臺亦
何功于衰職重以直書延閣勸講露門請部以避素餐
籲天而從私欲會之蜀州之守遵叨使節之行承命載
驅猶憂靡及雖大馬自弛于鞭策而蒲楓盡至于冰霜
忍死路隅敢輸忠藎伏望太皇太后陛下昭事上帝而
畏其變南問下民而察其微以包荒為用材之力以柔
遠為御戎之策師用古訓而難任人勤國家一日之幾
貽宗社萬年之慶臣雖死之日猶生之年祭舅氏李
公擇文盛德之士神人所依珠玉在淵國有光輝方時
才難公隕于道彼天悠遠莫我控告士喪畏友朝失寶
臣我哭之慟不惟歸親公處貧賤如處休顯溫溫不試
任重道遠內行純明不缺不疵臨民孝慈來歌去思其
在朝廷如圭如璧忠以謀國不常小直熙甯元祐言有
剛柔公心如一成以好謀十年江湖昨然生色三年至
計發髮盡自他日謂我何喪何得我知公心謀道憂國
出牧南陽往撫荒部稱賢辭嚴美語即路天下期公來
相本朝奄成大夜終不復朝嗚呼哀哉我少不天殆欲
堙替長我教我實惟舅氏四海之內朋友比肩舅甥相
知卒無問然今天喪我舅氏傾覆誰明我心以血繼哭
平生經過為我舉觴沃酒棺前割我肺腸嗚呼哀哉

平公懋字子勉登進士累官江西提舉召對陳五事

擢監察御史高宗駐蹕建康大臣請還臨安公懋力排
秦檜以爲不可疏三上不報出爲湖北提刑遷太府少
卿剛正無私終湖南漕運

元

燕公楠字國材宋禮部侍郎肅之七世孫母雷氏夢五色
巨翼入幃遂生公楠十歲能屬文再貢於鄉不第後以
連帥辟五遷至通判贛州事世祖旣平江南帥臣板受
同知贛州事以平廣南功遷同知吉安路總管府事召
至上都奏對稱旨賜名賽因囊加帶命叅大政辭乞補
外除僉江浙行中書省事俄移江淮尙書省就僉江淮
行尙書省事江淮在宋爲邊陲故多閒田公楠請置兩

淮屯田勸導有方田日以墾除大司農領入道勸農營
田司拜江淮行中書省叅知政事桑哥旣敗而蠹政未
盡去公楠赴闕極陳其故請更張以固國本會欲易政
府大臣以問公楠公楠薦伯顏不灰等十人又問孰可
以爲首相對曰天下人望所屬莫若安童問其次曰完
澤可明日拜完澤爲丞相以公楠及不灰等爲平章政
事固辭改江浙行中書省叅知政事三十年復爲大司
農進河南行省右丞入覲成宗以公楠先帝舊臣慰勞
良至改遷湖廣行省右丞五年召還朝卒贈贈有加特
命朝臣護喪南歸

元史

明

魏源字文淵號愛竹幼而岐嶷喜讀書習於禮節十三能屬文永樂乙酉領鄉薦明年第進士勅還家積學以待召用授監察御史所至舉其職松江知府黃子威被誣不能白公辨其在浙東傍海民困於漁課爲奏減之西安大疫督有司具醫往療全活者甚眾涇州有寇爲民害公廉得之亟請兵殄除父母相繼卒皆奪喪起任職爲御史九年陞浙江按察副使未幾召還署刑部左侍郎會河南旱饑民轉徙乃命公爲河南左布政使至則發倉廩以賑民奏免逋賦省徭役及諸不急務一以安民爲事民稍稍來歸而雨亦充足是歲有年召爲刑部左侍郎食從二品祿或言四川邊務多弛命公往理之

明罰飭法眾務修舉還朝拜刑部尙書獄無滯囚凡公所決斷者人人自以爲不寃時上注意邊事又命往西北督察諸將謹防邊以便宜從事遣都指揮李謙守獨石楊洪副之劾奏指揮杜衡等慢令當死諸將始嚴憚不敢肆自天成抵朔州視險要地宜守者凡入分命諸將守之請增修開平龍門城使高大皆蠶以蠶又自獨石抵宣府增置墩墩發開平龍門兵併力爲之凡諸大城堡請神銃火藥嚴爲備上皆從之再遣勅嘉焉時諸軍有依託權豪避役公悉搜括歸伍權豪側目一弗顧旣而病足詔免朝參久之累疏乞致仕上許之降勅慰諭賜鈔三千貫大夫君子皆惜其去而亦莫不以爲榮

歸一年而疾終於家享年六十有三事聞上遣官賜祭
命有司治喪事王文端公爲作御葬神道碑焉公忠厚
坦亮孝于親友于兄弟睦于宗族而信于朋友與人言
必依于仁義其襟度怡曠洞然見肺腑事有可疑者得
公處之眾無不愜意凡公所蒞人至今譽歎不忘子五
鑑鐸欽銓銘孫男十三瑛瑤璋瑾珮環珂珪珣珥玼
璵公卒之明年九月十日葬於邑之甘泉鄉黎家山之
原李文達公賢古囊襍錄云刑部尚書魏源爲人側儻
豪邁不羣嘗爲河南左布政使臨事直前當之民感
其惠凡出巡者亦讓之在刑部不刻其待僚屬也所見
或不合卽盛怒若不可解者既過或別事相合卽嬉笑
與言若未嘗怒者僚屬以此敬之徐理送魏公致政
榮歸詩序正統八年春三月癸未刑部尚書魏公以疾
上書致政於朝翌日所屬諸司之官咸惜其去合詞奏
乞畱之蓋公有末疾不良于行前歲之冬嘗請醫藥詔

留判部事而免其朝參至是復懇詞以請上慰其疾不忍復勞以事故奪衆議而卒許焉公既得請高彩一色即日治裝戒行及陛辭上復賜璽書褒嘉其諍而復其家世世無有所與恩之渥也于是今尚書鳳陽王公侍郎宜春郭公新安王公卒諸司僚屬置酒高會以爲公榮因其賦詩以美其事詩既成什而授簡于余俾爲之序惟夫士君子之大節必于出處進退之際見之處足以有守出足以有爲進不達于禮退不愆于義此古之制也得乎處而不乎得出則非濟世之道知乎進而不于此乎觀之而賢否較然矣公南康人也方其家食之時已有遠大之志及領鄉薦遂擢高科拜監察御史遷浙江按察副使召署秋官右侍郎出爲河南左布政使久之復召拜左侍郎遂進尚書歷任幾四十年在刑部者十餘年爲尚書者八年于茲矣公爲人志仁而氣剛才偉而量宏故其居官所至克舉其職在方岳得良牧之體立朝侃侃有大臣之節至於決獄明恕盡餘事也往者北邊有警公以便宜出巡節制諒將規畫守備咸得其策由是公之望重中外國家有大事必以屬公公之年才六十有一視明聽聰無廢政事一旦以疾而去豈獨其餘屬情之兄在廷之士蓋莫不惜之也朝廷固不舍公而公以止足自戒屬請而不已必得去而後安

焉於辭公于出處進退之際可謂無失乎古之制矣宜乎諸君子之賢公而賦詩以爲美也抑吾聞之古之爲詩者其有所美必有所勸蓋美乎此者而又以勸乎彼焉今猶古也然則諸君子所作其意固亦有在豈徒然哉一則以見聖天子于大臣恩禮始終之意如此其盛而興起士大夫願忠之心一則以見公之出處進退如此其高而激厲士大夫廉恥之節其爲勸也不既多乎余于是序述作者之意以爲公贈

大學士廬陵楊士奇魏公待漏像贊挺匡廬之英涵彭蠡之清力學與文發軔賓與其秉之直其度之閑履行也有恒處善也有成釐務也勵精施物也用平凜相臺之秋肅敷被省之春榮在歷四朝位躋六卿顧顧掌邦之禁孳孳求獄之生所以願謀猷於夙夜而輔治運於聖明者也

按魏公待漏像贊自三楊二王而下諸名卿皆有作於